

Nr. 4 2023/24

Part generala

Register dals meds d'instrucziun 2024/25

Il register da meds d'instrucziun vegn approvà e publitgà mintg'onn da la regenza. En quel figureschan ils meds d'instrucziun obligatorics e recumandads per las scolas popularas grischunas.

[Register dals meds d'instrucziun Grischun](#)



Plataforma per cuntegns da la furmaziun rumantscha

Las conferenzas regionalas rumantschas han creà cun "furmaziun.ch" ina plattaforma cun la finamira da metter a disposiziun ils cuntegns da furmaziun rumantschs en moda centrala. Sin la plattaforma chattan ins en spezial materialias per la furmaziun d'ina lingua, ina survista da las pussa-ivladads da studi da las sciencias linguisticas rumantschas sco er materialias didacticas per l'instrucziun. En l'interess dal mantegniment da la lingua e da la promozion da la lingua vegn la plattaforma "furmaziun.ch" sustegnida finanzialmain dal USS.

[furmaziun.ch](#)



Bilantscha da la gruppera accumpagnanta dal stgalim primar talian

La gruppera accumpagnanta per talian sin il stgalim primar ha l'incumbensa da perseguitar l'instrucziun da talian sin il stgalim primar, da barattar e da formular per singulas etapas entaifer l'onn da scola finamiras intermediaras cun incumbensas concretas areguard la materia.

L'analisa da la situaziun la pli actuala è vegnida publitgada ils 31 da schaner 2024.

[Bilantscha stgalim primar talian](#)



Novitads dal project IPPI (BELP)

L'Introducziun Professionala per Persunas d'Instrucziun (IPPI) è in project da success. Tar l'entrada en la professiun vegnan sostegnidads en il chantun Grischun tut las persunas d'instrucziun cun purschidas da la scola al lieu, dal servetsch psicologic da scola, da l'inspecturat da scola e da la scola auta da pedagogia. Las offertas sa drizzan a persunas ch'entran en la professiun en l'emprim onn da servetsch, persunas che cumenzan puspè suenter in'absenza d'almain tschintg onns da la professiun e persunas d'instrucziun senza scolazion specifica dal stgalim durant l'emprim onn da servetsch. L'inspecturat chantunal da scola coordinescha e maina quest project. Durant l'onn da scola actual profitan passa 150 magistras e magisters da la purschida da IPPI. 150 menturas e menturs accumpognan las principiantas ed ils principiants da s'occupar da las sfidas professiunalas e persunalas dal mintgadi d'instrucziun e da scola. In cordial engraziament per quest engaschament. L'avrigli 2024 ha lieu ina retschertga online tar las persunas ch'en entrà en la professiun, sco er tar lur menturas e menturs. Ellas ed els survegnan l'invit per sa participar a la retschertga per mail. Grazia fitg per vossa participaziun.

[Ulteriuras infumaziuns](#)



Via digitala autodeterminada

La protecziun da datas è impurtanta en mintga veglia-detgna. Il med d'instrucziun per la protecziun da datas

"Selbstbestimmt digital unterwegs" integrescha las enconuschienschas da basa che uffants s'acquistan a partir da la vegliadetgna da scolina confurm al stgalim. Entant ch'i sa tracta en il ciclus 1 da la chapientscha da basa da la sfera privata e da l'identificaziun da datas persunalas, èsi en ils ciclus 2 e 3 l'utilisaziun cumpetenta d'instruments e da plattaformas digitalas en il center. Il med d'instrucziun gratuit è concepì uschia ch'el po vegnir duvrà da persunas d'instrucziun en differents settings, independentamain da la grondezza da las classas e dals stgalims da las scolaras e dals scolars. Bleras materialias pon vegnir utilisadas u stampadas en furma digitala e che l'infurmaziun cuntinuanta permetta d'approfundar ils temas en moda individuala.

Med d'instrucziun
«Selbstbestimmt digital unterwegs»



Sche vesair na sa chapescha betg da sasez – midada da perspectiva

Dals 27 fin ils 31 da matg 2024 porscha il museum da la patria da Tavau en il rom dals dis d'acziun naziunals per persunas cun impediments dal stgalim mesaun e superieur dal Grischun visitas guidadas che sustegnan l'integrazion en il sectur cultural.

Sch'ils SeS entran tras la porta dal museum da la patria, fan els l'experièntscha che "vesair bain" n'è betg ina chaussa evidenta.

Cun egliers da simulaziun da differents impediments da la vesida exploreschan els co che spazis vegnan percepids cun auters senss. Helene Zimmermann e Josef Camenzind dattan sco persunas pertutgadas invista en il mintgadi da persunas tschorvas.

Annunziar fin ils 27 d'avrigl 2024 a: elmer-wolf@bluewin.ch

Ulteriuras infumaziuns



Ura dals utschels d'iert

Ils utschels fan part dals animals ch'en spezialmain simpels da scuvrir. A chaschun da la "Ura dals utschels d'iert" da BirdLife Svizra èn envidadas tut las classas da scola d'observar ils utschels enturn lur chasa da scola e d'als dumbrar. I dat da gudagnar in'excursiun gratuita en in center natural. Quest onn ha lieu la "Ura dals utschels d'iert" dals 8–12 da matg 2024. Per il tema dals utschels stattan a disposiziun differents medis d'instrucziun e differents materials sin la pagina d'internet. Per las scolas è er la plattaforma d'emprender online ch'è bain sviluppada.

Meds e plattaforma BirdLife Svizra



Publicaziun occurrenzas per persunas d'instrucziun per la tscherna da professiun

La cussegliaziun professiunala porscha da nov occurrenzas per persunas d'instrucziun per orientar lur professiun. Ina finamira è tranter auter che las persunas d'instrucziun survegنان infurmaziuns davart il tema da la tscherna da professiun. La gruppera en mira principala èn las persunas d'instrucziun che instrueschan il proxim onn da scola il rom

orientaziun professiunala. L'occurrenza è gratuita e la participaziun vegn confermada sin giavisch, per ch'ella possia vegnir resguardada sco furmaziun supplementara.

Sco emprova da pilot vegn purschida in'occurrenza a Cuira: Mesemna, ils 22 da matg 2024, 14.00 – 17.00, Grabenstrasse 1, Cuira (en cas da la Maiensässfahrt: Data da spustament mesemna, ils 5 da zercladur 2024).

Suenter la realisaziun vegnan examinadas ulteriuras occurrenzas.

Ulteriuras infumaziuns ed annunzia



IdeenSets da la SAP Berna

Persunas d'instrucziun che dovràn material adattà per preparar l'instrucziun chattan il meglier sostegn cun ils sets d'ideas da la SAP da Berna che stattan a libra disposiziun. Ils sets d'ideas èn concepids per tut ils roms e per tut ils stgalims da scola (1. ciclus fin stgalim secundar II) e sa refereschan ad in tema d'instrucziun elegi ed al plan d'instrucziun actual. Mintga set d'ideas cuntegna in commentari didactic cun indicaziuns che sa refereschan a la pratica davart il diever da materialias en l'instrucziun. Persunas d'instrucziun e persunas dal fatg sviluppan e surlavuran regularmain ils sets d'ideas.

Ulteriuras infumaziuns IdeenSets



Amicabels salids

Chantal Marti-Müller

Manadra USS

Philipp Hugentobler

Manader dal inspecturat da scola

Part regiunala

Termins

Procedura d'admissiun

Decisiun d'assegnaziun definitiva: gl. 15-04-24

Per scolas, nua che quel termin croda en il temp da las vacanzas da primavaira, vala sco termin definitiv la mesemna avant las vacanzas, oramai ils 10 d'avrigl 2024.

Giudicament da la protesta: ma. 28-05 / me. 29-05-24

Nus supplitgain urgentamain las persunas d'instrucziun da las 6. classas da betg planisar durant questi dus dis occurrenzas da scola.

Occurrenza d'infurmaziun per cussegis da scola

gievgia, 6 da zercladur 2024, 19.00 – 21.00

Cordials salids

Team da l'inspecturat da scola Plessur-Grischun central:

Christina Nigg (manadra dal district), Damian Dosch,

Denise Jubin, Daniela Zanelli ed

Elisabeth Caluori (secretariat)

